

Broj: 2359-10/17
Sarajevo, 31.05.2017. godine

Na osnovu člana 69. stav 2. tačka a) i e) Zakona o javnim nabavkama („Sl. glasnik BiH“ broj 39/14), člana 70. Zakona o javnim nabavkama („Sl. glasnik BiH“, broj 39/14) na preporuku Komisije za javnu nabavku broj: 2359-7/17 od 29.05.2017. godine, u postupku javne nabavke roba – Lijekovi – tender broj 7/17, direktor Javne ustanove Opća bolnica „Prim. dr. Abdulah Nakaš“ je donio

ODLUKU **o poništenju postupka javne nabavke**

Član 1.

Poništava se postupak javne nabavke roba – Lijekovi – tender 7/17 za sljedeće lotove:

1. LOT 7 – Sklerozirajuća sredstva za lokalno injeciranje iz razloga **što nije dostavljena nijedna ponuda u određenom krajnjem roku**
2. LOT 10 - Ostali ginekološki preparati iz razloga **što su cijene svih prihvatljivih ponuda znatno veće od osiguranih sredstava za predmetnu nabavku,**
3. LOT 14 – Glukokortikoidi II iz razloga **što su cijene svih prihvatljivih ponuda znatno veće od osiguranih sredstava za predmetnu nabavku,**
4. LOT 15 - Cefalosporini iz razloga **što su cijene svih prihvatljivih ponuda znatno veće od osiguranih sredstava za predmetnu nabavku.**

Član 2.

Ova odluka objavit će se na web-stranici Javne ustanove Opća bolnica „Prim. dr. Abdulah Nakaš“ www.obs.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: **2359-2/17 od 05.04.2017. godine.**

Javna nabavka je sprovedena **putem otvorenog postupka.**

Procijenjena vrijednost javne nabavke bez PDV-a je **178.273,00 KM.**

Obavještenje o nabavci broj: 1125-1-1-102-3-17/17, poslato je na objavljivanje dana **14.04.2017. godine**, a objavljeno je na Portalu javnih nabavki dana **14.04.2017. godine**, sažetak obavještenja o nabavci objavljen je u Sl. Glasniku BiH broj: **29/17 od 21.04.2017. godine.**

Komisija za nabavku, imenovana je Rješenjem broj: **2359-3/17 od 05.04.2017. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: **2359-6/16 od 26.05.2017. godine**, Preporuku o poništenju postupka nabavke za LOT 7, LOT 10, LOT 14 i LOT 15 broj: **2359-7/17 od 29.05.2017. godine** i Izvještaj o radu broj: **2359-8/17 od 29.05.2017. godine**, u postupku javne nabavke roba – **Lijekovi.**

U postupku po Izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu kvalifikovanosti ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda - 7;
- da je blagovremeno zaprimljeno 7 ponuda;
- da nije bilo neblagovremeno zaprimljenih ponuda;
- **da ponude ponuđača PHOENIX PHARMA d.o.o. Bijeljina, MGM FARM d.o.o. Kakanj, INEL-MED d.o.o. Mostar i HERCEGOVINALIJEK d.o.o. Mostar nisu prihvatljive iz sljedećih razloga:**

Ponuda ponuđača „Phoenix Pharma“ d.o.o. Bijeljina nije prihvatljiva za LOT-ove 1, 3, 5, 12, 13, 16, 19 i 20 iz razloga što su cijene ponude ponuđača za navedene LOT-ove znatno veće od sredstava koje je ugovorni organ osigurao za predmetnu nabavku.

Ponuda ponuđača „MGM Farm“ d.o.o. Kakanj nije prihvatljiva za LOT-ove: 1, 12, 15 i 16 iz razloga što su cijene ponude ponuđača za navedene LOT-ove znatno veće od sredstava koje je ugovorni organ osigurao za predmetnu nabavku. Ponuđač je u svojoj ponudi za LOT 9 ponudio neregistrovani lijek sa certifikatom analize lijeka od proizvođača bez Izjave da lijek nije registrovan, te se ista odbacuje na osnovu člana 69. stav (2) tačka d) Zakona.

Ponuda ponuđača „Inel-Med“ d.o.o. Mostar nije prihvatljiva za LOT-ove 3 i 4 iz razloga što su cijene ponude ponuđača za navedene LOT-ove znatno veće od sredstava koje je ugovorni organ osigurao za predmetnu nabavku.

Ponuda ponuđača „Hercegovinalijek“ d.o.o. Mostar nije prihvatljiva za LOT-ove 10, 14, 15, 16, 19 i 20 iz razloga što su cijene ponude ponuđača za navedene LOT-ove znatno veće od sredstava koje je ugovorni organ osigurao za predmetnu nabavku.

- za LOT 10 i LOT 20 u ponudi nije dostavljena Izjava o prihvatanju uslova isporuke robe u roku od 7 dana, sukcesivna isporuka, kako je traženo u tački 7. na stranici br. 20. tenderske dokumentacije. U ponudi za LOT 17 ponuđač je ponudio lijek koji je po svom sastavu slabiji od lijeka koji je tražen za predmetnu nabavku. U skladu sa navodima krajnjeg korisnika ponuđena ampula lijeka sadrži 1250 IU/2ml, a u tehničkoj specifikaciji tenderske dokumentacije za LOT 17 tražen je lijek jačine 1500 IU/2ml, te se navedena ponuda odbacuje u skladu sa članom 69. stav (2) tačka d) Zakona.

Nadalje, u postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno da za LOT 7 **nije dostavljena nijedna ponuda u određenom krajnjem roku**, čime su se stekli zakonski uslovi za poništavanje postupka javne nabavke.

U postupku predmetne nabavke nesumnjivo je utvrđeno da za LOT 10, LOT 14 i LOT 15, **cijene svih prihvatljivih ponuda znatno su veće od osiguranih sredstava za predmetnu nabavku**, čime su se stekli zakonski uslovi za poništavanje postupka javne nabavke.

Iz navedenih razloga, primjenom člana 69. stav 2. tačka a) i e) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.

Žalba se podnosi u najmanje 3 (tri) primjerka.

PRIPREMILA:

Amira Petrović, BA općeg prava
Referent za pravne poslove

AP

KONTROLISALA:

Sadeta Hrustemović, dipl.iur.
Koordinator za javne nabavke

Sh

M. P.



DIREKTOR

Prim. dr. Zlatko Kravić

Dostaviti:

- Ponuđaču: „Interpromet“ d.o.o. Novi Grad
- Ponuđaču: „Zefarm“ d.o.o. Zenica
- Ponuđaču: „Inel-med“ d.o.o. Mostar
- Ponuđaču: „Phoenix Pharma“ d.o.o. Bijeljina
- Ponuđaču: „MGM Farm“ d.o.o. Kakanj
- Ponuđaču: „Pharma-Maac“ d.o.o. Sarajevo
- Ponuđaču: „Hercegovinalijek“ d.o.o. Mostar
- Odjeljenje za pravne, kadrovske i opće poslove
- Odjeljenje za ekonomsko-finansijske poslove
- Komisiji za javne nabavke
- a/a.